

Sasak - Senine Kitab Suci - Wives Scriptures

Epesus 5:22-24 Hai senine, tunduk lēq semamende, maraq tipaq Tuhan. 23 Sēngaq semame nike jari kepale lēq seninene, pade maraq Almasih ēndah jari kepale lēq jemaah dait le ēndah saq nyelametang jemaah saq jari rage-Ne. 24 Pade maraq jemaah ēndah tunduk lēq Almasih, maraq nike ēndah lēq dalem selapuq hal, senine harus tunduk lēq semame.

Epesus 5:31,33 Lēq dalem Kitab Suci tetulis, "Keranaq nike sopoq dengan mame gen bilin inaq amaqne dait besopoq kance seninene, dait deduaqne gen jari sopoq." 33 Laguq ayat nike araq ēndah hubunganne kance side pade. Sebilang semame harus ngasihin seninene maraq ie ngasihin diriqne mēsaq dait sebilang senine harus berusahe hormat lēq semamene.

1 Korintus 7:3-5 Semame harus ngelaksaneang kewajibanne sebagē semame tipaq seninene, maraq nike ēndah senine harus ngelaksaneang kewajibanne sebagē senine tipaq semamene. 4 Senine ndēq bedowē kuase lēq awakne mēsaq; saq bekuase lēq awakne nike, semamene. Maraq nike ēndah semame ndēq bedowē kuase lēq awakne mēsaq; saq bekuase lēq awakne nike, seninene. 5 Ndaq saling jaoqin sopoq kance saq lain sebagē senine semame. Kecuali jari sementare waktu, asal deduaqne sampun setuju. Siq care nike sopoq-sopoq bau bedo'e. Laguq sesampun nike, side pade harus rukun malik dait idup berembē seharusne senine semame. Lamun ndēq maraq nike, side pade gen kene rayuan Belis, sēngaq side pade ndēq kuat nahen napsu.

1 Korintus 7:34 akibatne perhatianne tebagi-bagi. Sopoq dengan nine saq ndēq bedowē semame, atao sopoq dedare gen luwēq mikirang hal-hal mengenai Tuhan, sēngaq ie melēt adēq awak dait rohne jari dowēn Tuhan. Laguq sopoq dengan nine saq sampun bedowē semame, hususang pikiranne lēq hal-hal dunie niki, sēngaq ie melēt nyenengang semamene.

Kolose 3:18 Semeton senamian saq jari senine! Pade tunduk lēq semamende, sēngaq maraq nike seharusne kelakuande sebagē dengan saq idup lēq dalem Tuhan.

1 Timotius 2:11-15 Dengan nine harus tedoq dait patuh sewaktu nerimaq pengajahan. 12 Tiang ndēq ngijinang lamun dengan nine ngajah atao mrēntah dengan mame; ie pade harus tedoq. 13 Sēngaq saq penembēq tecipteang nike Adam dait sesampun nike baruq Hawa. 14 Dait ndēqne Adam saq tetipu, laguq Hawa, sehingga ngelanggar prēntah Jehovah. 15 Timaqne maraq nike, dengan nine gen teselametang lantaran nganak, asal ie tekun lēq dalem iman, kasih dait kesucian dait idup sederhane.

Penembēqne 3:16 - 1 Petrus 3:1-6 Maraq nike ēndah side pade, senine-senine harus tunduk tipaq semame adēq lamun lēq antare ie pade araq saq ndēq

percaye lēq Manik Jehovah, kelakuande bau miaq ie pade jari percaye dait ndēq perlu side pade bebase napi-napi lēq ie pade, 2 sēngaq ie pade serioq idupde saq solēh dait murni. 3 Ndaq keingesande cume keingesan saq penggitan lēman luah, maraq misal ngengadu potongan bulu saq macem-macem ruene, ngengadu periasan emas, atao kelambi saq mahel-mahel. 4 Sebalikne, keingesande harus dateng lēman dalem batin, budi pekerti saq lemah lembut dait tenang; nike keingesan saq kekel saq mahel ajine lēq arepan Jehovah. 5 Maraq niki entane dengan-dengan nine saq solēh lēq jaman laēq, ie pade saq beharep lēq Jehovah peringes diriqne siq care tunduk lēq semame ie pade. 6 Maraq nike ēndah Sarah, ie taat lēq Ibrahim dait nyebut ie majikanne. Mangkin side ēndah jari bije-bije Sarah, lamun side pade ngelaksaneang hal-hal saq solah dait ndēq takut lēq napi juaq.

Titus 2:1-5 Laguq side, Titus, side harus ngajahang pengajahan saq kenaq. 2 Bēng nasēhat dengan-dengan mame saq lingsir, adēq ie pade tao nahen diriqne, bijaksane, idup jari dengan saq patut tehormatin, idup dalem iman, kasih dait dalem ketekunan. 3 Maraq nike ēndah dengan-dengan nine saq lingsir, ie pade harus idup jari dengan-dengan saq beribadah, ndēqne kanggo pitnah dengan lain, ndēqne kanggo ketagihan ineman keras, laguq ie pade harus tao ngajahang hal-hal saq solah, 4 adēq siq care nike ie pade bau didik dengan-dengan nine saq masih bajang jari ngasihin semame dait bije-bijene, 5 jari bijaksane, idup suci dait jari senine saq solah saq taat lēq semamene. Siq care nike ndēq araq dengan saq bau ngewade Manik Jehovah.

1 Korintus 11:5-7,10 Dait lamun sopoq dengan nine lēq waktu bedo'e atao benubuat lēq julun dengan luwēq ndēq ngengadu kerudung, make ie menghine semamene saq jari kepale lēq diriqne. Nike pade doang maraqne ulu dengan nine nike sampun tepeleng bulune. 6 Sēngaq lamun sopoq dengan nine ndēq mēlē ngengadu kerudung, solahan bulune tepeleng. Laguq lamun sopoq dengan nine begunting atao tepeleng bulune, make nike sopoq penghinean tipaq ie. Keranaq nike bagusan ie ngengadu kerudung. 7 Dengan mame ndēqne perlu ngengadu kerudung, sēngaq ie nyatayang pribadi dait kemuliean Jehovah. Laguq dengan nine jari nyatayang kemuliean dengan mame, 10 Lantaran hal nike, dait lantaran pare malaēkat, dengan nine harus kadu kerudung saq nyatayang wibawene.

Perumpamean 12:4; 14:1; 19:13; 21:9,19; 25:24; & 27:15,16 - contentious & angry Senine

Perumpamean 31:10-31 - The Virtuous Senine